

VOLUME 02 | NO. 04



APRIL 2020

SIAM SIN

JOURNAL  
a paite students' monthly

## COVID-19

### pilvang inla, mawk lauhthoh ke'n


*Corona Virus toh kisai chetna tak omloute ah kisubuai ke'n.*

*Thuchian bang hihiam chih zonkhiak sawmin, hiai natna a kipan kiveng in.*

*Na khuh chiang in na lenuai hiam, romol hiam ah kihum gige in.*

*Khut silsiang gige leh taksa kikep siangthou gige a poimoh.*

*Kivenna dinga panlaktheihna omte midangte' kiang hilhsawn in.*



## EDITORIAL BOARD

## CONTENTS

Editor

**Gin Lalsiam Munsong**

Joint Editor

**Nengzalian Tonsing**

Production Manager

**Thangzamang Ngaihte**

Circulation Manager

**Chinzabiak**

Design &amp; Setting

By the Editor

**Thusuah Ding****Piakna**

Editor

SIAMSIN JOURNAL

SSPP Complex

Siloam Veng

Bungmual, Lamka

Churachandpur

Manipur, PIN 795006

Mob:

7627919517

Email:

journal@sspp.org.in

THUSUAHTU IN AMAH

THUSUAH A MOHPAW DING

**LAKMAN**

Bukhat ₹30.00

Kumkhat ₹350.00

Dak ah ₹400.00

EDITORIAL 01

LAI GELHDAN TANGPI 02

SIAMSINNA LEH SEPNA ZONNA A MABAN... 03

COVID-19 INFORMATION BOOKLET 05

KIPAHPIH THU:

VICE PRINCIPAL LEN DING 10

LT. COLONEL IN KAISANG 10

MASTER OF CHURCH MUSIC ZOUKHIA 10

PH.D ZOUKHIA 11

PU BIAKLUN SHOUTE RETIRE DING 11

SEPNA APAN RETIRE TA 12

PRINCIPAL THAK KIPAHPIHNA HUN 12

REPORTS:

EDITORIAL BOARD MEETING OM 13

CCPUR COLLEGE BRANCH 14

JHQ LAMKA 14

AGS THAK IN KICHIAMNA LA 14

PAITE GRAMMER &amp; COMPOSITION 15

CURRENT AFFAIRS(MCQ-6) 23

*Guest Editorial.....*

## SIAMSINTE LEH COVID 19

*-By Thangkhanlal Ngaihte*

Coronavirus ziak a solkar thupiak a mahni inn chiat a i kikhum nung uh ni 10 bang pai-ta hi. Hiai in mi tangpi te' hindan leh nekhonna teng subuai in a natna hii genlouh in gilkiak bang ale buaitheih di bang hi.

Hileleng, hiai hun peen students, abiiik in sepna zong a laisim te ading in hun manpha suakthei hi. Normal life khatvei tei hong omnawn ngeiding a, huai chiang in tua postponed a om exam tuamtuam te hong kisun zom nawn ding hi. Huai chiang in hiai hun awl ana zang manpha, laisim na dia ana zang te'n chim kisa lah whatsapp message kia khawng ana buaipih te kheng in vualzohna hon tang ding uhi.

School/college exam na te ah class pumpi in ki pass thei chauhlou in first division kitung vekthei hi. Sepna zonna peen kitaitehna taktak ana hizaw a, mark tam muh sangmah in candi-date pihte sang a siamzawk, hatzawk, mark tam muhzawk poimoh hi. Pan peetmah a pan ana ngai ahi. Extraordinary I chihte ordinary tampi lak a banghiam "extra" ana neite gen-

na ahi. Huai bel mi tangpi in dakkal 5 lai asim uleh nang dakkal 6 nasim ngai. Mi'n tuailai hun hunnuam a azatbei uleh nang maban a hunnuam na neihtheih nadia tuailai hun laisim/nasepna a nazat ngai.

Pathian in mihing bukim in honna bawl a, damna ahon pia, school hoihtak te ah kaitheih in hamphatna namu hi. Hiai foundation, hiai firm footing apan aban chu nang a kinga ahita. Na innkuan te leh na nam tanpha in nang a lametna nei. Hinkhua khat naneih a manpha a zat teitei sawm in. Theihnopna (curiosity) toh laisim in. Na theihtawp in pang inla, aban Pathian kiang pekha in. Na lohching ngeiding hi.

Gam-le-nam Maban Nang Na Hi!

.....

# Lai Gelhdan Tangpi

Dr. Tualchin Neihzial ©PLS, Chapellane, Hiangtam Lamka

-(sutzopna)-

## 6. Belhte (Affixes):

Belhte (Affixes) ah **mabelh** [prefix] leh **nungbelh** [suffix] a om hi [Cambodian, Sudenese, Sanskrit leh Mikang pau khawng ah Infix om mah leh Paite/Tedim pau ah **infix** | buaipih kei hi. Mikang pau a singular apan plural a kibawl ciang in alaizang a vowel om kikheekte genna in **Infix** ki-zang hi: *man-men; goose-geese; mouse-mice; louse-lice; foot-feet; tooth-teeth* leh adangdang]:

- a. **Mabelh [prefix]** – ‘ki’, ‘pi’, ‘su’  
cihte pen a verb toh kimat a gelhkhawm diing ahi hi.

**Ki** – Kibuan, kidawm, kigamla, kigawm, kihua, kingai, kikum, kimawl, kinai, kipua kisai, kikat, kitawng, kivual, kizawl, kilem, kizem, kimuang, kiteeng, kikhen leh adangdang

[Hiai mabelh ‘ki’ in ganhing hiam setan’ kii (horn) leh kipi (parrot) cihna a “**ki**” kici a huam kei a, hiaite bel akihal a gelh diing him ahi uh hi]

### Etsakna:

Ki in taang duh hi.

Vompi in kii nei lou hi.

“**Ki**” zat louhna: A nap kitolh hi [khial].

A nap tolh hi [dik].

**Pi** – pibawl, pichin, pigen, pipian, pingaihsut, pizat, pikuan, pimuh, pipat, pisuah, pisak leh addg.

**Su** – subah, sultan, suneu, suthangpai, suheh, subei, sutawp, supil, suminthang, sutuailuai, suthupi, supichin, sunpaai, supuuk, susia leh addg.

**[Chiamteh diing.** Prefix – **Su** cih mabelh [prefix] kammal zang sese lou in nungbelh [suffix] kammal dang khat “sak” belh in, liansak, minthangsak, thupisak, pichingsak cihdan in zong a zat theih veve hi. Hiai

*mabelh [prefix] a su kicite pen numeite' zahmoh genna ahihlouh bang in verb a su kici an su, gu su, khuttum a su cihna zong ahi kei].*

**A zawi tawn lou lah dik veve**

**(Exceptional):** Ahihhang in, **a, aw, e, i, o, ou, u** [*ai-aw* | *cihte*] toh a kizom aleh simkhelh om louhna diing in athekna [-*hyphen*] koih diing ahi hi.

**Gelh khial Gelhdan dik**

- ◆Kiaakmitet ki-aakmitet
- ◆Kiaam ki-aam
- ◆Kiatkha ki-atkha

- ◆Kiel ki-el
- ◆Kiit ki-it
- ◆Kiuitui ki-uitui
- ◆Kien ki-en
- ◆Kiotsakna ki-otsakna
- ◆Kieng ki-eng
- ◆Kiukna ki-ukna
- ◆Maiet mai-et
- ◆Nauawi nau-awi
- ◆Piet pi-et
- ◆Saiip sai-ip
- ◆Saik sa-ik
- ◆Sial si-al
- ◆Tuiuum tui-uum
- ◆Vaaak va-aak
- ◆Zeet ze-et

-(*sutzop ding*)-

SIAM SINNA LEH SEPNA ZONNA A MABAN PAIZIA  
DING CHITUAM DEUH A KILAMLAHNA  
(CAREER GUIDANCE WITH DIFFERENT APPROACH)

T.LIANCHINPAU, MA, PGDPM&IR,  
Vice Principal, Rayburn College.

-(*Sutzopna*)-

**II. SIAM SINNA IN ATUP, TELDING LINE TUAMTUAM LEH MIZIA POIMOH-TE**

Education in a tup: *Mi khat pianken a asiampen leh ahitheih pen zonkhiak ding (to draw out what is best in a person), leh ahitheihna sangtawp zangkhe dia sinsak ding, chih ahi.*

Bangziak a Doctor leh Engineer nna sem I mi-le-sa khen khatten ka nnasep gimhuai lua, chi a amau tate

a sulnung uh zuidia deihsak lou uhiam? Ahihkei leh amau mah leng, a mau tempaina leh lunglut hiloupi a,

'laisiam ten Doctor leh Engineer zir ding chih', ngaihndan ana om ziak a Doctor leh Engineer ana zilkhak ziak uh ahi diam ?.....

Huai ziakin, siamsinna leh nna sepna khatpeuh ah lamzang nang leh loh-ching nangin apoimoh masa chuh, a siamsin naupang (students)in; 1<sup>st</sup> Nang-le-nang **kitheihchet** leh

2<sup>nd</sup> Na hinkhua a **tup kichiantak neih** ahi.

Unau, tuni'n anuai a mizia leh chitna l gente apat nang-le-nang ana ki en-chian a huai tungtawn a na hinkhua a tup leh ngim kichiantak na neihding chih, l tup pipen ahi.

### **A . ENGINEERING – LOHCHING-TAK HIHNANG A MIZIA LEH CHITNA POIMOH TUAMTUAMTE:**

1. Engine leh khawllam thil himhim a lunglut.
2. Thilthak zongpeih leh gelkhethei.
3. Thil akip akoi a velchian peih.
4. Thil kizomdan sui leh tehkak detdet thei.
5. Chiarkop(Mahts) lunglut.
6. Thil theitheih leh kuhkal.
7. .Zuanjang/Tangjang.

### **Engineering Courses:**

1. B.E. Kum-4
2. B. Tech. Kum-4
3. B.Arch. Kum-5

**Chitna:** XII Sc. ah **PCM** (Physics, Chemistry, Maths) subject lak leh pass teitei ngai hi.

### **ENGINEERING ZOUSATE SEPNA ZONTHEIH-TE:**

1. I.E.S (Indian Engineering Services).
2. I.F.S.(Indian Forest Services).
3. Indian Navy - through technical entry.
4. Indian Air Force - through technical entry.
5. PSU(Public Sector Undertaking) e.g. BHEL, HPCL, etc.

### **CLASS-XII zoh a Engineering Institutes leh Colleges – Lut theih nang lampite:**

1. Joint Engineering Entrance (JEE-main ) - NITs admission adin.
2. Joint Engineering Entrance (JEE-Advance) - IITs admission adin.

CONDUCTED BY - IITs([iitg.ac.in](http://iitg.ac.in))/  
CBSE([cbse.nic.in](http://cbse.nic.in))

-(Sutzop ding)-

.....

# COVID-19 INFORMATION BOOKLET

AIIMS, NEW DELHI

## COVID-19

- ◇ **Pilvang inla, mawk lauhthoh ke'n.**
- ◇ **Corona Virus toh kisai chetna tak omloute ah kisubuai ke'n.**
- ◇ **Thuchian bang hihiam chih zonkhiak sawmin, hiai natna a kipan kiveng in.**
- ◇ **Na khuh chiang in na lenuai hiam, romol hiam in kihum gige in.**
- ◇ **Khut silsiang gige leh taksa kikep siangthou gige a poimoh.**
- ◇ **Kivenna dinga panlakttheihna omte midang kiang hilhsawn in.**

⇒ TULAI A MINTHANG MAHMAH COVID-19 KICHI BANG AHIA?

- COVID-19 kichi tuh, sih theihna mihingte laka natna kilawhsawn theih tunai zek a kimukhe thak novel Corona Virus chihna ahi. A tom a genna in COVID-19 a kichi hi.

⇒ BANGCHI DAN A HIAI NATNA MIHINGTE KILAWHSAWM THEI DING AHIA?

- Mi kuahiam hiai natna vei, a khuh hiam a hahthiai chiangin, a naak hiam a kam a kipan tuimal neuchikchik hong pawtte, leitual a kesuk, ahihkeileh munkhat ah belh/tu uhi.
- Mi kuahiam akiang a om khat in, tua tuimal neuchikte ana diklut kha henla, or a thil sukkhaksa uh khut in va sukha in, a khut mah in a mit hiam a naak hiam a kam khoih

khaleh, hiai natna kaaithai ding.

- Hiaibang mite toh meter 1 sanga naizaw a omlouh teitei ding ahi.

⇒ MIKHAT IN TUA NATNA VEILEH BANG ACHI DIA LE?

- Hiai natna veikha 80% khawng amau mah in damsuah thei uhi.

- Damloute' lakah 20% lakte hospital a kikep a ngai uh.

- Tuat lak a mi tamlouchikte(a tangpi a nak haksatna-awmnate) Intensive Care Unite(ICU) a kikep a poimoh uhi.

⇒ KUM BANGZAH MITE'N HIAI NATNA VEI DEUH AHIA? NAUPANG IN A VEITHEI DIAM?

- Hiai natna a teek-a khang laka tung ahi; Innsung mite' laka aveikha a omleh naupangte lawh-

sawn thei hi.

- Naupangte lak ah hiai natna a hat lawkei.
- Taksa kum upa lamte leh natna khat toh ana ki-enkol lelte(BP sang, Lungtang lam, Tuap lam, Cancer leh Zunkhum veite) kai-baih deuh in, avei ua lehleng a lauthawng huai deuhse.

⇒ THIL KHATPEUH A BELH TUA NATNA HIK BANGTAN DAMZOU AHIA?

- Telsui mite'n hiai natna hik amah-mah(Etsakna in: Kholum or khovotna mun zil in) hun bang-tanhiam or ni bangzahhiam dam-zou chi uhi.
- Huaiziakin, hiai natna hik na kiim na paam, silh-le-ten laka a om ding na muanmohleh damdawi (disinfectant) in sawpsiang or kaap inla, nang leh na kiim a omte kiveng hoih in.
- Na khut sahbon leh tui in a vang-kim in sawpsiang gige in.
- Na mit, na kam leh na naak te na khut silsiang lou in mawk sukkhak ke'n.
- Corona virus natna hik na mit, na

kam leh na naak a hong luut ding kivenna a kithehsakna kibawl ahi.

⇒ NATNA VEI CHIH BANGCHI KITHEIH DING(SYMPTOMS)?

Hiai natna kitheih khiak dingdan tangpi hiai a nuai a bang ahi:-

- Luna-khosik, gawlina, khuh, naak haksa sa;
- Hitang, khosik pangngaite toh a kilatdan kibang ahi.

⇒ HUCHI AHILEH KUA KA DONG DIA?

Hiai a tunga kigente bang noplou-hna neia na kitheih a, hiai anuai a point nih(2) kigelhte nang toh a kituah leh, hospital or Public Health Centre ah Medical Doctor a kinthei bangpen in vanaih pah in:-

- i) Hun paisa a, Corona Virus in a sukkhak gam(state) tawn a va zinkha;
- ii) A natna vei mi toh kinaihtak a omkhawmkha;

⇒ HUCHI AHILEH BANGBANG TEST NGAI DI?

- Khuh, luna leh nak haksa sakna na neih keileh, COVID-19 test a ngai sesekei.
- Himahleh, hiai a tunga noplou-hnate neia na kitheih aleh alou-theilou in, State Helpline Number



or Ministry of Health & Family Welfare, Government of India' 24x7 Helpline i.e., 011-23978046 hiam Toll Free No: 1075 chihte thuzak pah teitei in.

- Hiai helpline number-te na houpih chiangin amau test bawl dingdan akul-le-poimoh bangkim hon sai ding ua, test theih ding achih uleh Government theihpih(approved) laboratory khat ah test hon bawl ding uh.

⇒ CORONA VEITE ADINGA KIKEP DINGDAN A OM HIMHIM HIA?

- Tuni chiangin, hiai natna kepdamna ding damdawi muhkhiak hi nailou hi. Himahleh, a natna zil (symptomatic) in kikem a, a veikha 80% te nitamlou nungin hong damkik nawn uhi.
- Hia natna vei tamlou chikte, damdawi inn(hospital leh ICU) tut ngai lel uh ahi.

⇒ HIAI NATNA TOH KISAI KIKEPNA DI DAMDAWI TUAM OM HIA?

- Tulel dinmun in hiai natna kepdamna ding damdawi a chituum biik muhkhiak/theih khiak om tadih lou ahi.
- Himahleh, hiai bangbang natna dang kepna a damdawi zatte leng

mi khenkhat tunga akizat hun om.

⇒ CORONA NATNA HIK A KIPAN KEI LEH KA INNKUANTE BANGCHI'N KA BIT THEI DING UA?

Hiai anuai a kigelhte na zuihle COVID-19 natna apan kiven theih ahi:-

- Innsung, huangsung na kaankhiak chiang or COVID-19 natna vei or damlou khatpeuh na vehkhakna a omleh, inn a na tunkik teng in na khut sahbon(soap) hiam khutsilna damdawite zang in hoihtakin silsiang gige in;
- Mi kuahiam khuh hiam hahthiai a omleh amau toh kal ah meter 1(3 feet) tan awngsak in;
- Na kam, na nak leh na mitte, sahbon khut silsiang masa louin mawk khoih ke'n.
- Na khuh hiam hahthiai chiangin na kiim a mi omte khual inla, kunsuk a tongkawi(elbow) ah muk humkawm hiam tissue paper hiam romol a kihum in khuh/hahthiai in.
- Na om nuamlou na sakleh, inn ah om inla damdawi toh ki-enkol hoih in.

⇒ MUKTUAMNA (MASK) KUATE

### BULH DING DEUH AHIA LE?

A tunglam a noplouhna kigente na neihkei leh muktuumna bulh a ngaikei hial. Himahleh, hih ding poimoh hiaite om hi:-

- Sahbon leh tui zanga second 20 sung beek khut nuaiphuan a silsiang ding.
- Na khuh hiam hahthiai chiangin na kiim a mi omte khual inla, kunsuk a tongkawi(elbow) ah muk humkawm hiam tissue paper hiam romol a kihum in khuh/hahthiai in.
- Na kam, na nak leh na mitte, sahbon khut silsiang masa louin mawk khoih ke'n.
- Na kiim, na paam a khuh hiam hahthiai a omleh huaite apan kigamla koih in.
- Na taksa lum leh votdan (temperature) a vangkim in en in.

⇒ KUATE'N BANGCHIK HUN A MUKTUAMNA SAHTE(MEDICAL MASK) BULH DING AHIA (*Damdawi Inn a semloute'n*)?:

- Mi kuahiam a khuh hiam a hahthiai chiangin, tua natna midang a lawhsawn louhna dingin, hiai muktuumna(medical lamte zat, thuah 3 a sahte) bulh ding ahi. Hiai toh kiton in tui leh sahbon zang a khut

sawpsiang gige ding.

- Damlouhna toh kisai mun khatpeuh(health care facility) phak chianga leng bulh ding.
- Damlou etkol hun chiang in a en-koltu pen in a bulh ding.
- Innsung mi leh tanaute, hiai natna vei dia muanmoh/veikhate toh kisukhate inn a kep hun ah, hiai maituumnate(thuah 3 omte) bulh teitei ding ahi.

⇒ KHUT SILSIANGNA(HAND SANITIZERS) BANG A KIZANG AHIA?

- COVID-19 vei damlou etkol chianga, khut silsiangna a zat gige ding.
- Khut silsiangna(hand sanitizer) omlouhna mun ah, tui leh sahbon zanga second 20 sung bek khut nuaiphuan a silsiang teitei ding.

⇒ HUCHI AHIHLEH, COVID-19 VE-ITE' ANNEK-TUIDAWN DING ATUAM OM HIA?

- Hiai natna a damloute' a ding nekle-dawn ding atuam biik omkei mahleh chidamna di'n annteh-louhing leh theigah nektam ahoih ding.

⇒ COVID-19 ADING A KAPTHOH

DAMDAWI OMTA HIA?

- Tutan in COVID-19 ading damdawi om nailou ahi.

⇒ COVID-19 DOU DINGIN I GAMSUNG THILNEIHTE A MU-ANHUAI HUNTAWK UHIA?

- Hiai toh kisai Ministry of Health and Family Welfare in pan nasa-taka la in, a poimoh banga muanmoh leh damloute etkolna mun ding a kiningching in sehkhohlsa nei uhi.

- Hiai natna apan kivenna dinga test bawl di dan, kikep di dan, kietkol di dan theihtuak omte Ministry of Health and Family Welfare' website ah kimtak a ettheih di'n om hi.

⇒ HIAI NATNA TOH KISAI GIN-TAKTHU KIGEN KHENKHATTE:

- 1) Hiai natna aksa, aktui leh sa nek ziaakin a kilawhsawn theih diam?

**Thutak:** Sa hoihtak a kihuanmin ahihnakleh hiai natna kilohsawn theih chih tutan bangmah a pansan ding(evidence) omlou ahi.

- 2) Hiai natna huangvulh gantate tungtawn in a kilawhsawn theih diam?

**Thutak:** Huangvulh gantate tungtawn a kilawhsawn theih ahi chih chetna(evidence) bangmah a

omkei.

- 3) Hiai natna ziaka sihna tuak om hitaleh, tua misi a kipan in natna hik kilawhsawn chih a omthei diam?

**Thutak:** Misiluang a kipan natna hik kipiaksawn chih om theilou ahi.

⇒ BANGCHI'N HIH LE'NG HIAI NATNA PAISAWN LOU IN KA OMSAK THEI DIA?

- Mimal kikep siangthou na dia atunglam a kigente hoihtak a zuih gige ding.

- Alou-theilou ahihkeileh khualzin louh phot a, mipi kipunkhawmna a tellouh, midang toh kisukkhak louh a, milak aleng a kinaihlua loua om ding.

- Atung a kigen tengteng hoihtaka na zuih leh hiai natna kilawhsawn theihna apan na bit ding.

A POIMOHNA OMLEH KUA THU-ZAK DING?:

- Corona Virus toh kisai Helpline Number +91-11-23978046
- Toll Free No: 1075
- Hiai toh kisai thuthak theinuamte'n Ministry of Health and Family Welfare website ah chiklaipeuh in ettheih ding.

~All India Institute of Medical Sciences (AIIMS), New Delhi

@Translated into Paite and Reproduced by:

*Congratulations:*

# SSPP GHQ in Kipahpih

March khasung a siamsin mi-le-sa siamsinna/sepna leh kong tuamtuam a loh-chinna ngah kitheipha-te kipahpihna in hiai a nuai a bang in i taklang ahi:

**VICE PRINCIPAL LEN DING:** Dr. LC Ngaihte, Principal, Lamka College in order asuahna ah, Vice Principal lellel L. Rochung Fimate, Associate Professor (Mizo Department) asepna apan February 29, 2020 a a pension toh kiton in Lamka College a senior most teacher Pu T. Awnzagen, Associate Professor (HoD Economics) in March 01, 2020 apan Vice Principal incharge mohpuakna len ding chi hi. Vice Principal in a poimoh bang a Principal a kithuah ding banah academic affairs toh kisai mohpuakna leng len ding hi.

.....

**LT. COLONEL IN KAISANG:** Maj V. Jamson s/o Nu V. Thianching, Lapalang, Shillong tuma deuh in Lt. Colonel in ana kaisang chih thutut kingah hi.

.....

**MASTER OF CHURCH MUSIC (CONDUCTING MAJOR) ZOUKHIA:**

Apaisa nisim 13th March, 2020 in Thangbiaklal Valte s/o Roubul Valte of Lailamveng, Central Lamka in Philippine Baptist Theological Seminary, Baguio City, Philippines ah Master of Church Music (*Conducting Major*) ana zoukhia hi. Amah ahihleh eimi laka Conducting Major a MCM zoukhia omsun hilai hi. Aman azilna ah ahihhoih mahmah ziakin Judges Star Award (*Best Choir Conductor Award*) leh Internship Award leng sang hi.



Thangbiaklal Valte in Philippines gam a kum 3 sung Music a zilsung in kitaitehna tuamtuam ah tel a, 2018 in leng Philipino Saptuam 9 te kidemna Choral Festival ah 'Best Interpreter Award' nih ana la ta hi.

.....

**PH.D ZOUKHIA:**



Ms. Esther Chingbiaknem d/o (L) H. T u - ankhanlam, Vengnuam- S, New Lamka in Chemistry subject ah

Doctor of Philosophy ana zou khia hi. Prof. R.H.D. Lyngdoh, Department of Chemistry, NEHU supervise na nuai ah "Computational Studies on H-bonded segments of some inter-macromolecular complexes" chih thesis ana gelh hi.

**PU BIAKLUN SHOUTE A SEPNA APAN RETIRE DING:**



Advisory Board, SSPP JHQ Delhi a i Vice Chairman lel uh a Zahtakhuai Pu Biaklun Shoute, a sepna Hindustan Unilever Limited (HUL) ah

kum 28 sung vingveng a sep nung in tuni (31.03.2020) in retire ta ding hi. Congratulations!

Aman a sepsung in a chihtakna, kuhkalna, felnate ziakin heutute deihsaknate tang in Award tuamtuam bang a sepna, HUL apan in ana sang zel hi.

Pu Biaklun Shoute ahihle h saptuam, society, nam leh gam a ding a mi kiphah, zattak, phatuamngai leh ahihtheihna tantan a kisiitlou hial a ana pang gige ahi. Tuabang ahihman in a omna munmun ah kuapeuh in ki phattuampih a, mite' a ding a vualzawlina hi gige hi.

Retire ta ding a hih kawmkawm in HUL in khe-lah mahmah leh a hihtheihna lunggulh lai ahi ding ua, Legal & Corporate Affairs Department ah Consultant kum khat sung semlai ding in extension (renewable) ana mu khinta hi (a seplai a same terms & conditions nuai ah). India State 7 a HUL in Factory expansion a bawlina ding te uah Project Team ah koih in om hi. Hiai nna zingchiang (01.04.2020) apan in sempan pah ngal ding hi. Hiaiziak in leng i kipahpih sawnsawn hi.

Hindustan Unilever in zingchiang apat in Glaxosmithkline (GSK) Company toh kizom/merge ta ding uh hi.

GSK pen HUL in Rs 4000 crores laka a leikhiat uh ahi. GSK products khenkhatte : Horlicks, Boost, Viva, Maltova, Eno leh Crocin, Iodex leh Sendodyne te ahi. HUL ahihleh India a Fast Moving Consumer goods (FMCG) Company lak a a lianpen ahi.



A seppihte'n amah toh kisai a gen khenkhat uh a nuai ah taklang ni.

a) *Dear Shoute,*  
*You have had a fantastic journey in HUL with many significant contributions that you have made year on year. Thank you for that. Your journey continues and that gives the team immense comfort !! - **By Executive Director - Legal & Corporate Affairs & Vice - President, Unilever South Asia.***

b) *Many congratulations, Shoute. You will only officially retire. You'll continue to be our guiding light. - **By Senior Legal Manager.***

c) *I can't believe you can ever retire!! Evergreen □ Shoute !! - **By Alok Joshi, Vice President***

ALL THE BEST PU BIAKLUN SHOUTE

**SEPNA APAN RETIRE TA:**

Pu V.Kaikhochin, Tipaimukh Road,

Hiangtam Lamka in leng, a sepna apan ana Retire ta hi. Amah ahihleh, NEEPCO a Chief General Manager dinmun a pension/superannuation dan ahi. Shillong ah a Innkuan un a Khosa ua, SSPP JHQ Shillong Advisory Board bang a leng, dinmun poimoh taktak ana len tou in, Pathian phawk mahmah ahi a, mi etton taak mahmah leng ahi.

**PRINCIPAL THAK KIPAHPIHNA HUN ZAT IN OM:**

Apaisa  
March 5,  
2020 ni a  
M. Ha-  
rekrishna,  
Commis-  
sioner  
(Hr. &  
T e c h .





Edn.) Government of Manipur in thusuah a, ataklat bang in Pu Dr. Th. Siamkhum in Churachandpur College, Churachandpur, regular Principal len ding chih ahi. Apaisa March 10, 2020 in SSPP Complex, Bungmual ah SSPP GHQ a heutute toh

kipahpihna hun zatkhawm ahi. Pu Thanglalmuan Hauzel, President SSPP GHQ kipahpihna in paite pu-andum silhsak in i-gam leh i-mi nam te' khantouhna dia lam-etna lianpi nei ihi chi hi. Thugenna hun saulou chiat heutu paikhawm te'n nei uhi.

## PLATINUM SOUVENIR EDITORIAL BOARD MEETING NEIH IN OM:



Siamsinpawlpi Platinum Jubilee Celebration Committee a kahiang khat Platinum Souvenir Editorial Board in March 03, 2020 (Tuesday) nitaklam dak 5 in Upa Lalthanglun Guite Inn, Lamphel ah in meeting poimoh tak

nei uhi. Hiai hun ah member paikhawm te'n thupoimoh taktak— Email toh kisai, Editorial Board kekletna toh kisai, Budget (publishing) toh kisai, Sep dingte hun bikhiahna chih te genkhawm uhi.



## SSPP CHURACHANDPUR COLLEGE BRANCH REPORT:



Tunitak (March 18, 2020) dak 7:00-9:00 kikal in ah kou branch te'n ah maban ah JHQ LAMKA saina a Joint Sports toh kisai a kisakholhna dan in ah kithuah khopna The HUB TURF GROUND,ZION VENG ah kana nei uhi.Hiai hun ah numei-pasal kigawm in ah mi 30 vel paikhawm in ah futsal leh futgal match kimol na kinei hi.Hiai kithuah khopna Pathian ompihna toh buaina bangmah omlou in kizou siang thei hi.

## JHQ LAMKA - FUNDRAISE BAWL:



Maban April 13 to 16, 2020 kikal siamsin sports leh literary meet cum battle of the band a dia SSPP JHQ Lamka te fund raise pailel hi. Hi-

mahleh tulai boruak ziak a khol phot ahiah ban ah maban sports di vai leng suan gamlat ngai leh ki lawm chih heutute apan zak ahi.

## AGS THAK IN KICHIAMNA LA:

Executive Committee SSPP GHQ ah Assistant General Secretary (AGS) mun awng a hun bangtanhiam i omnung in Pu Thangzamang Ngaihte, Siloam veng, Bungmual, in apaissa March 21, 2020 (Kiginni) zing dak 7:30 in SSPP Complex, Siloam veng, Bungmual (Office)



ah GHQ President in AGS dinmun (2020-2021) a ding in gin-omna thuchiam nei sak hi. Heutupa Mang hihna tomkim anuai a bang ahi.

- \* Min: Thangzamang Ngaihte
- \* Pa min: Upa Jamsangchin
- \* Omna: Siloam veng, Bungmual, Lamka —795006
- \* Laisimna: M.A. (Pol.Sc) N.E.H.U. Shillong & 3 NET( Pol.Sc)
- \* Tulel a sep: (1) Lecturer (Pol.Sc), Ebenezer Academy; (2) Faculty of "Indian Polity & Governance" at I.G.S. (a Civil Service Coaching Institute), Tuibong.



## PAITE GRAMMAR & COMPOSITION (For Class IX & X) (A Critique on the Paite Literature)

-L. Khupsonlian Ngaihte  
(ngaihteson@gmail.com)

*Dr. Tualchin Neihzial, published by Paite Literature Society (PLS), Lamka, Manipur, 2015. 159pp. IND ₹100/-*

Paite Grammar & Composition (For Class IX & X) ahihle Paite Laipau Sai-pawlte'n muang mahmah a seh uh Dr. Tualchin Neihzial in Siamsin Mom-

noute zat ding a abawl ahi. Hiai laibu in khangthak, maban a inam makai leh vaipaw dingte, Paite' pau pau-leh-hamdan ban ah laa thu paidan zilsak in sinsak hi. Tulel a khangthak Siamsin Momnoute bel tunung a inam makai dite ahihman un ei [Paite] pau a siam uh poimoh mahmah a, huai dia kisakhawl sak leh sinsak ahihman in hiai laibu poimoh in manpha petmah hi. Agelhtupa, Dr. Tualchin Neihzial, ahihle i nam in laigelh siam a ineih mite lak a poimoh mahmah khat ahi a, igam-le-nam khantouhna dia panla gige mite lak a khat ahihman in amah tung ah kipahtu gen in i suan thu i taklang hi.

Hiai laibu sung a Sinlai khatna ah, "Paite mite pen ngeina leh tawndan chituam khat nei ahi uh. Paite pau

pen Lusei leh nam dangte aa ding in theihlel haksa, pau tuam khat ahi", chih Major Shakespear in 1904 Census ah ana gelh chih kigelh hi (pp 1). Hiai laibu akigelh mah bang in Paite mite pen hun sawtpek apan i kiang a om namdangte toh kibanglou mah ihihdan kichian mahmahhi. I tawndan hi'n i paudan hita leh i unau nam dangte toh kibatlouhna nei mah ihi. Paite ihihna pen i tawndan sang in i laipau (literature) in genchianzaw diak ahihman in, i laipau pen midangte a toh kibatsak i utluatna lam a iPaite hihna pen (laipau tung-tawn a) i taan khak ding lauhuai petmah hi. I paunak ua ina zat uh, "Same in khumta law ning achih leh amak" chih zangkawm leh thei kelkul zenpi a ei 'Same' ihih khak ding lauhuai petmah hi.

Tulel a khangthakte houh (kei tel in) pau zatdan ding buai ua, gelh diingdan nasan buai petmahta [ka hi] uh chih kim-le-kiang a thugelh hong kisuah khete apat in mit ah muhtheihta. I khangthakte'n Paite' pau zang nonlou ua, a gammang vek khak ding uh pilvanhuai petmah hi. Pau himhim azangtu ding a om nonlouh chiang in Pau si (Dead Language) suak a, ei [Paite] pau pen kembitlou a mi a iva koppih gige mawk leh ei [Paite] pau diing omlou khathei hi. Huai ahihman in, ei Paite' pau pen kemit leh puahtouzel in, hun hong pai ding ah leng zang toutou zaw leng chih deihna ahiai – Critique-na – ka hon gelh ahi hi.

I pau hichi-khachi [zaw] deuh [leh] chia a ka hon telte i ensuk pah ding:

### **I. LAIMAL (ALPHABET) ZATLEL**

Sinlai 11na (pp 40) ah Paite-te'n laimal ding in Roman laimal 26-te zatkhawm vek diing chih thu kigelh hi. Hiai "Roman Laimal zatkhawm hoih ding ahi" a kichihna ziak pipen dia i gintaktuh Kawlgam leh Vaigam a

omte'n laipau khat i neihtheihna dia lunggulhna ahihman in, hoih petmah in manpha mahmah i sa hi. Laipau kibang nei leng bel kigawm leng baihlam ding a, i kibatna uh agen baihlam ding ban ah azak leng nuam ding hi. Hiai a 'kikop leh kibang' in kuate toh kibatsak sawm a kikop sawm ihi hiam chih dotna lianpi om hi. Aziak bel, Vaigam (India) a iteen khoppih unau Gangte, Hmar, Mizo, Simte, Thadou-Kuki, Vaiphei leh Zoute'n hiai [Roman Laimal] zang lou ahihman un amau toh kikop theilou kihipah hi. Amau a toh kibang om sun bel malam a ina zat uh (tua le i zat mah tuh hi) "A, AW, B, CH, ..." ana hizel hi. I pau uah kibatlouhna om zekzek ahihman in, i laipau uah leng kibat louhna ana om mah ahi. Himahleh, laa phuaktute'n, "Tuun sung khat pan piang hi ngeingei hang e", ana chih mah bang un, i paute uha kinaihluat ziak mah in UNAU kichituah thei hi hang! Kawlgam a om i unaute in leng "A, AW, B, C(H),..." dan mah in sim ua, himahleh i omna atuam dungzui in laimal behlap leh lakkhiat ngai om hizaw lel hi. Huai

ziak in, iunaute lak a khat toh kikop utluatna lam a i-unau dangte nawlkhin kha ihi diam aw chih ngaihsutna lianpi ka lungsim ah hong kilang hi.

Sinlai 14na ah, "T+A+N+NG = TANG" chi in kigelh a(pp 51),hia mun a NG a kizat teitei na ziak bel NG pen ei [Paite] pau a poimoh ahi chih latna ahi peuhmah ding hi. Huchi ahihleh, T+A+NG = TANG chi a gelh in baihlam zawkna nei a, ei [Paite] pau ahihdan hon chian sem hi in thei ing.

Bak ah, Lai-aw 7 (sagih) om in Laimung 21 (sawmnh leh khat) i nei hi (pp 41). I zat lel Roman laimal in laimal 26 nei a, ei Lai-aw leh Laimung i gawmkhop chiang in 28 (7+21 = 28) hong pha daih hi. Hiai tungtang ah leng gen-le-sak om adiam chih ngaihsutna hong om nawn hi.

Roman laimal ahihkei leh English laimal ichih pen koimun peuh a zat-theih ahihman in, zangthei vek leng bel hoih petmah ding in ginmohna khatlengka nei kei! Ahihhang in ei [Paite] laimal teng nawlkhin leh paih

[khe] zen a Roman Laimal i zat in bel, i laimal teng hon nawmvalh [valhmang] pah ding hilou hiam chih dotna lianpi om hi. Ngeinadan ah nam lianzaw in nam neuzawte valhmang in amau a toh kibangsak (assimilate) zel mah hi. Ahihhang in, tua nam lianzaw toh i kibatsak dekna pen ngeina dan (natural process) hisak lou a ei i va kipiaklut pen hoihlou hi; i ngaihtuah sau chiang in na mahmah hilou hiam chih ngaihsutna lianpi hong piangthei hi. Ei kipiaklut/kitahlut louh aleng ngeina dan in hon zelizou mahmah ding ahi chih mi kuapeuh in theih ngei ding in ging-ta hang.

## II. LAI-AW (VOWELS)

A tung a igensa mah bang in Lai-aw 7 i phasak hi. Huaite ahihleh hiaite ahi: A, AW, E, I, O, OU, U.(pp 9)

Hiaite lak ah,"AW" pen Roman laimal a omkha lou himahleh eipau ah mun poimoh tak luah hi. Avuak in leng [gennei tak in] a ding theih ban ah Laimung (Consonants) toh ding in thumal/kammal a kibawltheih ziak

mah in Lai-aw (Vowels) lak ah leng hong pangkha hi. Roman laimal ah bel A+W = AW hong ngai a, laimal hi nawnlou in thumal hong suak daih hi. Roman laimal ah “AW” chih a om kei chih ithei chiat hi. Huaiziak in, Roman Laimal va kop mawk pen ei Paite kampau adia lemtang lou in gen-le-sak om kha nak hi.

Huai ban ah “OU” pen a vuak in leng ding thei a gennei pi leng ahi. Himahleh “OU” pen diphthongs lak ah leng gelhtel zel in hong om hi. Huchi ahih vet leh diphthongs dang – ai, au, awi, ei, eu, oi, ia, iu, ua, ui – teng leng Lai-aw lak a simtel ngai lou ding hiam? Ban ah, “OU” pen tua [zat dia i chih uh] Roman laimal ah omkha lou zel hi. “OU” bawlna ding in O+U = OU mah hong ngai zel ahihman in, laimal a lah omlou Lai-aw a guanglut theih ding hiam chih hi zel hi.

Sinlai 04na ah, “Vowel chi thumte: Pure Vowels, Monophthongs leh Diphthongs” kichi hi (pp 9). Himahleh a hilhchetna (hilhsauna) lam ah Triphthongs leng hong kiguanglut zel

hi. Huchi ahihleh Pure Vowels toh Monophthongs kibang himai lou hiam chih ngaihsutna hon pia a; huchia kibang ahihleh Vowel chi thumte bel Monophthongs (pure vowels), Diphthongs leh Triphthongs hi ngei ding in hon theisak hi.

**Monophthongs:** Pure vowel-te (a, aw, e, i, o, u) ahi ua, gindan kha tnei chihna ahi.

**Diphthongs:** vowel nih kigawm a kibawl ahihhang a gindan khat a gingte genna ahi. (Etsn. ei, ua, ia, ou, etc.)

**Triphthongs:** vowel thum kigawm a kibawl ahihhang a gindan khat a gingte genna ahi. (Etsn. iai, uai, iau, uau)

Diphthongs sinlai nuai ah (pp 12) chi 11 pha ahihdan hon theisak hi: ai, ei, ui, oi, ia, ua, eu, [eu], [ua], ou, iu. Hiai ah a kibang nih hong omkha a, himahleh “au leh awi” hong telkha lou hi. Gelh khelhi zia k hia ahih kei leh “aw phawi” hiam ” aw gin” tuamdan zil a gelh hizaw hiam? chih lungapna hon tun hi.

Abul lam a igensa mah bang in, hiai laibu ahiehle khangsawnte – hun hong pai ding a inam makai dingteleh Paite nam kichi omsak dingte –adia poimoh mahmah ahi chih i thei hi. Huchi ahihman in, mihing in hihkhial theimah ahi chih lungsim a om kawm in, adik thei pen di'n bawlthei le bel hoih mahmah ding hi; i Siamsin Momnoute [Paite nam phungkai tou dite] hiai a kinga ahihman un. Adik lou a kigelh omkha khempuehte huchia sim toutou ding ua, huchi mah in thei ding ua, huchi mah a zang tou diing ahiuh chih haihlou a itheih ngei lamet ahi.

### III. A & I

A leh "I" pen ei [Paite] pau adia poimoh mahmah khat hi nawn hi. Hiaite pen Lai-aw (vowels) ahi ua; pronoun ah leng a kizang a, case ah leng a kizang nawn a, huai ban ah Postposition ah leng a kizang uhi. Huai teng chauh lou "mabelh" (prefix) ah leng zatna hong om nawn hi. Huai ahihman in, ahi thei tan a tuam din-sak hong ngai uhi. Huai dan mah leng i zatdan uh leh i kisinsak dan uh

ahi.

Himahleh a khenchiang in "a/i" kam-mal kizom a hong dinkhak hun uh om hi.

Etsakna:

Mi huat khong a i-om leh zaw...

Leitungbup pau chi a itheih...(pp- 45)

Hiai hun ah, anungzaw pen a kam-mal kizom toh gelhkhawm teitei leng hoih ding hi. Aziak bel i+om leh i+theih in abstract noun thak "mabelh" tungtawn in hon bawl hi. Huchia gelhkhawm ding chi mah le hang, ei [Paite] pau ah vowel kizom theilou zel ahihman in i-om chia gelh hong ngai zel hi. Huchia i gelh chiang in a sim mahmah leng hong nuam-zaw hi.

### IV. ATHEKNA (-) leh KAMMAL

English a hyphen (-) pen ei [Paite] pau ah zatna mun poimoh tak hon luah hi. Vowel nih, simkhawm louh ahieh nak leh, gelhmat theihlouh ahi hi. Huai khenkakna ding a "athekna (-)" kizat ziak in sim [khelh louh] baihlam hi. Himahleh hiai sinlai bu sung ah "TUIN" (English a now chih-na) pen kigelhkhawm letlat hi (pp 51,

80, 96, 103). “TU IN” chi in gelh le sappau a “sit down” hong suak zel ziak hi ngei ding hi. Huchi thouthou ahiehleh “TU-IN” hiam in gelh le a hoihzaw ngei maithei a, huchi ahiehloh tawp in leng tu’nhiam bek ingelh le hoihzaw maithei hi.

Bak ah, hiai athekna pen compound word bawlina ding in i zang hi (pp 110 -112). Huchi hinapi in “B” nuai a teng ah athekna kizanglou zel hi. A kizat-louh chiang in compound word (kammal zatkopte) suaklou in, thum-mal tuam nih hong suak bang daih hi. Compound word i zat chiang aakhiat-na (meaning) khatahi chih i mangngilh louh a iteih lamet ahi.

*Etsakna:* aakta vokta = aakta-vokta

AkHING asa= akHING-asa

## V. -TE leh ATHEKNA ( – )

Ei [Paite] pau ah, “te” pen khat sang a tamzaw (plural number) genna in kizang tangpi hi. Huai ban ah “collective marker” ding in leng i zang hi (pp 69). Huchi ahiehman in, gelhmat teitei ding chih ahi. Huchi himahleh i zat chiang in a lemtang louhna tampi

hong om hi. Adiak in, midangte’ pau pen ei pau a izat chiang in lemtan louhna lianpi hong om hi. Huai ahiehman in, hichi in gelh le hoihzaw diam chih ngaihsutna hong om hi.

*Etsakna:* India-te, Iraq-te, stop-te, comma-te, adangdang.

Bak ah, Collective marker “te” a tawp peuhmahte ah leng athekna (-) toh zang le a hoihzaw diam chih ngaihsutna nei ing.

*Etsakna:* Ngaihte-te, Guite-te, Samte-te, Mate-te, adangdang.

Huai ban ah, “collective marker” in mi’ min toh “te” i zatkhop hun tam mahmah hi. Huai hun ah leng “athekna (-)” toh gelh leng hoihzaw dia ngaihsutna lianpi om hi.

*Etsakna:* Siami-te, Liansuanthang-te, Mungsonlian-te.

Hiai ah, Mungsonliante chi in gelh le hang, amin ah lenglianteom hong abatziak in theihkkelh om thei hi. Mungsonlianpen mi tampi om chih-na hilou a, “Mungsonliankeinaihipih alawmte hiam a innkuante” toh i genkhopna ahi chih i theih chiat ngei i

gingta hi.

## VI. KI- leh ATHEKNA (-)

“Ki”vuak a adin peuhmah chiang inganhing’ kii genna hong suak hi. Himahleh “ki” thumal mabelh a izat chiang in bel “reflexive hihna” hon taklang hi. Huaiziak in, mabelh (banghiam a belh ngai) ahihman in a thumal dang toh gelhkhop teitei ding ahi. Huai dan innamdangte (adiak in English) pau toh “ki-“ pen i gelhkhom uhi. Himahleh, i etchiang in diklounha (etsakna: kitransfer) om hi leh kilawm hi. “Ki-“ toh paudang (English pau) i zatkhop peuhmahte bel ei [Paite] pau ah om vek tangpi hi. Huchi kawmkal lak ah, a khenchiang in ei [Paite] pau a itheihkhiat chetlough hong om khain “ki” toh i gelhkhawm uhi. Huchih chiang in, athekna (-) zang in gelh le ahoihzaw diam chih ngaihsutna hong om hi.

*Etsakna:* ki-opposite, ki-signal tuah (hia i bel ei pau ah kimangat, ki-theisak chih ahi; himahleh khenchiang a mangngilh khak theih hi)

Khenchiang bang in houh ei pau a

iletkhiak theih hetlough kammal hong om hi. English a igenkhiak leh chiangzaw hong om a, “ki” toh zatkhop ngai hun leng i tuak hi. Huai hun chiang in “athekna (-)” toh gelh le ahoih diam chih ngaihsutna hong om hi.

## VII. LAIMAL DING IN

Sapte (English-te) pau hausa i chih leh, English-te’n midang pau pen amau’ pau dia a laklut tawmtawm ziak uh hilel hi. Za lak a sawmgiat (80%) khawng namdang pau apat a laklut uh ana hi hi. Huai ziak in, en [Paite-te’n] leng ei pau omsa pen koihkhe zawlou in, laklut thoh le hoihzaw ding hi. Malam in “A AW B CH ...” ah “J” i pangsak kei uhi. Ei [Paite] pau a “J” zatna omlou himahleh Khristian i hong suahchiang in “J” (Jesu mahmah) in poimohna lianpi hon neih ziak in kilalut hi. Huaiziak in “C, Q, W, X & Y” teng leng lalut i hi peuhmah ding hi. “Q, W, X & Y” bel ei [Paite] pau ah zatna omlou ahihman in buaihuaina ding omlou hi. Midang pau a “J” zatna di mun a “J” i zat mah bang in, hiaite [Q, W, X & Y] leng a poimohna mun ah zat leldia ngaihsutna nei ihi peuhmah ding hi.

Himahleh, “C” tungtang ah Paite leh

English in kibatlouhna nei hi. English ah belahun-leh-amun zil in ‘C’ ingingdan tuamtuam nei hi: /si; k; g/.Ahih hang in, Paite’ pau ah mawltak in gingdan khatchauh om hi: /tʃ/ (chi). Huai ahihziak in, English leh Paite i khentuam theihna ding in “CH” leng maihmai lou in lalut leng hoih ngei ding in gingtak huai hi. Ei [Paite] pau ah CH kia zattheih hi peuhmah phot ding hi. Himahleh unau dangte’nC azat Chiang un leng /si:/ in gingsak tuanlou ua, /tʃ/ (chi) in gingsak veve uhi. Huai ahihman in, C pen /si/ (Roman laimal) a gingsak in, CH pen /cho/ in gingsak leng hoihzaw in khenkak nuamzaw maithei hi. Ei [Paite] pau zatna ding peuhmah ah “CH” (/cho/ a ging di) zang in ah, midang pau peuhmah ah C (/si/ in ging sak in) zang le nawngkaina tapi paihkhiat theih in mawlichik in khenkaktheih ding hi.

Huai ban ah, “AW” pen laimal lak ah i simkei uhi. I simlough hang in ei pau ah poimohna lianpi nei hi. Laimal a tellou khat vowels a telsak ding chih diklou ding ahihman in ah. Huaiziak in, AW /ɔ:/ pen leng lalut zaw leng hoihzaw ding ahi chih ngaihsutna hong om hi.Huchi ahihman in, i Laimal ding in hiai bang zang leng hoihpen maithei hi:

A AW B CH C\* D

E	F	G#/ga/	H	I	
	J*				
K	L	M	N	O**/əʊ/	
	P				
Q*	R	S	T	U	V
W*	X*	Y*	Z /zi/		

\* = hiai teng ei [Paite] pau diketak ah zatna ding omlou hi. Himahleh paudang i koppihite hiam paudang a zatna ding mun ah zattheih lel hi. Etsakna : Jesu, Cambodia (ei pau in gelh dek le Kembodia hong ngai hi), Wuhan.

# = malam in /ekh/ in i gingsak ua, huai pen sappau a ‘X’ apat ilak uh ahi ngei ding hi. Aziak bel, English pau ah ‘X’ /eks/ a kipan thumal peuh ah ‘G’ ging in ging taangpi hi. Himahleh ei [Paite] pau ah bel, /ekh/ a ging lou in /ga/ gin in ging hi. Etsakna: /ga/ /i/ /en/ = gin.

\*\* = hiai a “O” pen laimal a igenchiang in/əʊ/ (ou)in ging mah leh thumal (words) a hong paichiang inAW /ɔ:/ tomgin in hong ging daih in /ɒ/ in ging hi

Hiai laimal dan in zang le, Lai-aw (vowels) ding in hiai teng hithei hi: a, aw, e, i, o, u. Laimung (consonant) ding in adang teng hong pang hi. Huchi lehSappau zat ngai teng alah zattheih ding a, ei [Paite] pau lah buaikha lou ding hi.

-(Sutzop ding)-



Current Affairs:

## Multiple Choice Questions (MCQ-6):

1. Which of the following has become the youngest girl to climb Mount Akonkagua, the highest mountain in South America?
  - a. Juliana Rodrigues
  - b. Kanya Karthikeyan
  - c. Natalie Morrison
  - d. Jennifer polymer
2. What is the name of the expatriate Indian scientist who is leading a coronavirus vaccine in Australia?
  - a. RM Kapoor
  - b. Ajit Kumar Pillai
  - c. KI kaletkar
  - d. Ss wasan
3. What is the new official name of coronavirus?
  - a) CORONAVID-19
  - b) AVID-18
  - c) COVID-19
  - d) CHID-19
4. Which film became the first non-English film to win the Oscar 2020 award for 'Best Picture'?
  - a) Parasite
  - b) The Irishman
  - c) 1917
  - d) Jojo Rabbit
5. Which military unit won the President's Colour this year?
  - a) INS Vikrant
  - b) INS Satelej
  - c) INS Shivaji
  - d) INS Shivalik
6. Pravasi Bhartiya Kendra has been renamed after which late Union Minister?
  - a) Sushma Swaraj
  - b) Atal Bihari Vajpayee
  - c) Arun Jaitley
  - d) Manohar Parrikar
7. What is the name of the Indian-origin scientist who is leading the research team to develop the Coronavirus vaccine?
  - a) RM Kapoor
  - b) AK Pillai
  - c) KL Kaletkar
  - d) SS Vasan
8. Who became the first Indian to receive IOC's 'honourable mention'?
  - a) Rahul Dravid
  - b) Anil Kumble
  - c) Pullela Gopichand
  - d) Ravi Shastri
9. Who has become the first Indian to win FIH Men's Player of the Year 2019 award?
  - a) Vivek Sagar Prasad
  - b) Lalremsiami
  - c) Manpreet Singh
  - d) Jagmeet Singh
10. Who among the following was

recently selected as the best emerging female player of 2019 by FIH?

- a) Julieta Jankunas
- b) Lalremsiami
- c) Frederique Matla
- d) Anita Mandal

11. According to the RBI notification, who will sign the new one Rupee currency note?

- a) RBI Governor
- b) Finance Minister
- c) Finance Secretary
- d) President of India

12. Who recently launched the 'Step with Refugee' campaign?

- a) UNICEF
- b) WWF
- c) OPEC
- d) UNHCR

13. Which country will host the UN Climate Summit 'COP26'?

- a) USA
- b) UK
- c) France
- d) India

14. Who has been appointed as Air India's new Chairman and Managing Director (CMD)?

- a) Rajiv Bansal
- b) Arun Negi
- c) Sanjay Jain
- d) Manish Kumar

the highest mountain in South America. Earlier in August 2019, he had climbed Mount Mentok Kangri-2. She wants to complete the "Explorers Grand Slam" by the year 2021, under which the highest mountains of the world have to be climbed.

2. (d) Ss wasan

A team of scientists in Australia, led by Overseas Indian scientist SS Vasan, is preparing a vaccine for the treatment of coronavirus in a high security lab. The study is being conducted by the Commonwealth Scientific and Industrial Research Organization (CSIRO) of Australia. If a drug is prepared against the corona virus, then this is a big victory for scientists

3. (c) COVID-19

Coronavirus has officially been named as 'COVID-19' by the World Health Organisation. The new name has been given to avoid the use of other names that may be inaccurate or stigmatizing.

4. (a) Parasite

South Korean film Parasite, directed by Bong Joon Ho, created history by becoming the first non-English film to win the Oscar 2020 award for 'Best Picture'.

5. (c) INS Shivaji

The President's Colour was presented to INS Shivaji by President Ram Nath Kovind on February 13, 2020 for its outstanding contribution in training modern-day Marine Engineers. The President's colour is the highest honour that is awarded to any Indian military unit.

### MCQ-6: Answers:

1. (b) Kanya Karthikeyan  
India's 12-year-old Kanya Karthikeyan has become the youngest girl to climb Mount Akonkagua,

6. (a) Sushma Swaraj

Pravasi Bhartiya Kendra was re-named after late Sushma Swaraj on February 13, 2020. The Kendra will now be known as Sushma Swaraj Bhawan. The move aims to commemorate the late leader's invaluable service to Indian diplomacy.

7. (d) SS Vasani

Indian-origin scientist SS Vasani is leading a team of scientists in Australia to prepare a vaccine for the treatment of Coronavirus. The Commonwealth Scientific and Industrial Research Organization of Australia is conducting the study.

8. (c) Pullela Gopichand

The coach of Indian national badminton team, Pullela Gopichand has been honoured with the IOC Coaches Lifetime Achievement Awards "honourable mention" for his excellent contribution in the field of coaching.

9. (c) Manpreet Singh

Indian Hockey Team captain Manpreet Singh has become the first Indian to win FIH's Men's Player of the Year 2019 award. He beat Belgium's Arthur van Dorren and Argentina's Lucas Villa to win the honour.

10. (b) Lalremsiami

Indian striker Lalremsiami was named as the FIH Women's Rising Star of the Year 2019. She beat Argentina's

Julieta Jankunas and Netherlands' Frederique Matla to win the award.

11. (c) Finance Secretary

The central government will soon be introducing a new one rupee note with new security features. 'The Government of India' will be written in Hindi on the top of this note. The new one rupee note will be signed by Finance Secretary Atanu Chakraborty in both Hindi and English.

12. (d) UNHCR

The United Nations High Commissioner for Refugees-UNHCR recently launched 'Step with Refugee' campaign. Individuals participating in this campaign will challenge themselves to cover a distance of two billion kilometers in 12 months.

13. (b) UK

The United Kingdom will host the UN Climate Summit 'COP26' in November 2020. Indian-origin Alok Sharma, who is the UK Secretary of State will lead the UN climate talks.

14. (a) Rajiv Bansal

Rajiv Bansal has been appointed as the new Chairman and Managing Director of Air India. He is an 1988-batch Indian Administrative Service Officer from Nagaland Cadre.

---

---

If undelivered, please return to

The Editor  
SIAMSIN JOURNAL  
SSPP Complex, Siloam Veng, Bungmual  
Lamka, Churachandpur, Manipur, India  
PIN 795006



COVER PHOTO : SSPP Churachandpur College Branch

**Edited & Published by the Editor for Siamsinpawlpi General Headquarters**  
Printed at SSPP Complex, Siloam Veng, Bungmual, Lamka